



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Briet, Philippe

Parisiis, 1648

Cap. II. Grauiores veterum Geographorum errores.

urn:nbn:de:hbz:466:1-13147

CIS } ENS } FLVENTVM: minutus fluuius.
 } } TORRENS: fluuius aut fluentum ex niuibus li-
 } } quatis, & pluuiis.

§. 5. De vocibus Terra, & Aqua communibus.

QVÆ } SINVS: Aqua se in terras insinuans, *vn Golphe.*
 PRIVS } FRETVM: Aqua vtrunque terris pressa, *vn Destroit.*
 AQVAS } ÆSTVARIVM: vbi se æstus insinuat, *la Bare.*
 RESPI- } EVRIPVS: æstuarium reciprocum sæpè de die.
 CIVNT. } BOSPHORVS: Fretum angustius, *vn Canal.*

INSVLA: Terra aquis vndique cincta, *Isle.*
 SCOPVLVS: seu Ara saxum in mari prominens, *des Brisants.*
 SYRTES seu Breuia: terra aquis interseissa, *des Bancs.*
 PENINSVLA, seu Chersonesus, & Cherrhonesus; à
 QVÆ } Græco χερσος, seu χερσος Terra, & νῆσος insula: est in-
 } sula annexa continenti, *Presque Isle.*
 PRIVS } ISTHMVS: pars quâ peninsula iungitur continenti.
 TER- } LINGVA, seu Ligula: pars humilior terræ in mare
 } procurrens.
 PROMONTORIVM: Mons in mare decurrens, *vn Cap.*
 RAM. } PORTVS: locus vbi naues omninò securæ, *vn Port.*
 } NAVALE: vbi conficiuntur, & seruantur naues, *Arsenal.*
 } STATIO: locus non ad eò tutus nauibus, *la Rade.*
 } MOLES: *une Digue*, Agger in mare iactus.
 } GRADVS, locus vbi onerantur, & exonerantur naues.

CAPVT II.

Grauiores veterum Geographorum errores.

PRIMVS ERROR, isque grauissimus fuit eorum qui Nouum orbem, in quo collocabant *Antichthonas*, infra Africam constituebant. Ita Pomponius Mela, Macrobius, Manilius, ac veterum plerique. Huius autem orbis initium faciebant *Taprobanam*, & ex eo oriri *Nilum* arbitrabantur, qui arcanis meatibus Oceanum trāsmeans postea in Africâ emergebat. Ad eundem referri possunt, quicumque Oceanum inter duos Tropicos immise-

runt, bellis refertissimum, quæ navigationem ad vltiora prohiberent, quæ opinio multorum quoque ex antiquis fuit.

SECUNDVS *Arabicum sinum* ab Oceano dirimebat, & lacum faciebat arboribus consitum, & fruticibus in plerisque locis horrentem: ita Damastes quidam apud Strabonem.

TERTIVS *Mare Meduerraneum* negabat aliàs habuisse cum Oceano connexionem versus Hispaniam, sed claustra hæc hominum arte diuisa fuisse. Idem plerique de ponto Euxino dixerunt, de quibus videatur Strabo lib. 1^o. Quæ commenta vt & *Italia cum Sicilia* coniunctæ, *Gallie cum Angliâ* refutant fluuij ex vtraque parte in hæc freta prorumpentes: de quibus fusè in suâ Sicilia Cluuerius.

QUARTVS itémque absurdissimus, *Mediterraneum Mare* cum *sinu Persico* coniungebat. Ita Diotimus quidam apud Strabonem lib. 1. qui mentiebatur se legatum Atheniensium aduerso Cydno Fl. Ciliciæ nauigasse, & per eum in Coaspem Fl. Persidis decidisse, atque secundo Coaspe Susa venisse.

QVINTVS *Mare Septentrionale* cum *Caspio* connectebat per angustum fluentum. Cui errori causam dedit Patrocles quidam classis Macedonicæ præfectus. Nam ante eum Aristoteles, & Herodotus Caspium Mare ab reliquis Maribus secreuerant. Ex quo autem *αὐτόματος* ille mendax se in Caspium ex Oceano Boreali fabulatus est nauigasse, omnes Geographos induxit in fraudem, vltique ad Ptolemæum: de hoc iterum lib. 6. cap. 9. §. 2.

SEXTVS *Scandiam & Feningiam* duas insulas faciebat, & perperam; hanc Occidentaliorem, illam Orientaliorem, vtramque ab Europâ diuisam: sic Plinius.

SEPTIMVS *Tanaim fluuium* ex vltimis partibus Septentrionis accersebat: ita Strabo, Plinius, & plerique omnes.

OCTAVVS *Gangem fluuium* in Mare Eoum demittebat: sic aliqui Poëtæ, cum tamen in Australe, seu Indicum decidat.

Hos & alios longè plures errores sensim detexit ætas, pluribus colonis in terras, hæctenus ignotas, subinde migrantibus. Neque enim facile est mentiri multos, cum qui soli vagentur, ex peregrinationum suarum mendacijs vulgò gloriam quærere soleant. Rectè tamen obseruat Strabo id per victorias principum ferè perfectum esse, & per Alexandrum Macedonem Orientem innotuisse, Occidentem per Romanos, Septentrionem per Mitridatem Eupatorem, Meridiem denique per Reges Alexandrinos.

ANTIQUISSIMA ORBIS DELINEATIO.

